

DIE XVI. DECEMBRIS;

IN FESTO

S. EVSEBII

EPISCOPI, ET MART.

SEMIDUPLEX.

*Omnia de com. unius  
Mart. præter ea, quæ hîc  
assignantur.*

*Oratio.*

**D**Eus, qui nos  
Beati Eusebii  
Martyris tui, atque  
Pontificis annua so-  
lemnitate lætificas:  
concede propitius, ut  
cujus natalitia colimus,  
de ejusdem etiã  
protectione gaudeamus.  
Per Dñm.

IN I. NOCTURNO.

*Lectio Script. occur.*

IN II. NOCTURN.

*Lectio iv.*

**E**usebius, natione  
Sardus, Romanæ  
Urbis Lector, post

Vercellensis Episcopus, ad hanc regendam Ecclesiam merito est creditus, divino electus iudicio: nam quem numquam antè constituti Electores cognoverant, posthabitis civibus, simul ut viderunt, & probaverunt, tantùmque interfuit, ut probaretur, quantum ut videretur. Primus in Occidentis partibus in eadem Ecclesia eosdem Monachos instituit esse, quos Clericos, ut esset in ipsis viris, & contemptus rerum, & accuratio Levitarum. Arianis impietatibus ea tempestate per Occidentem longè, latè,

latè què traductis, adversus eas viriliter sic dimicavit, ut ejus invicta fides Liberium Summum Pontificem ad vitæ solatium erigeret. Quantò hic sciens in ipso fervere Spiritum Dei, cum ei significasset, ut penès Imperatorem unà cū suis legatis patrocinium Fidei susciperet, mox cum illis profectus est ad Constantinum, apud quem enixius agens, quidquid legatione petebatur, obtinuit, ut Episcoporum nempe coetus celebraretur.

*Lectio v.*

**C**ollectum est Mediolani anno sequenti Concilium, ad quod à Constantio invitatum Eusebium, concupitumque, ac vocatum à Liberii legatis, tantum abest, ut malignantium Synagoga Arianorum

contra Sanctum Athanasium furentium suas partes adduceret, ut potius, dissertè statim ipse declarans, è presentibus quosdam sibi compertos heretica labe pollutos, Nicenam immò fidem proposuerit iis subscribendam, antequam cætera tractarentur. Quod Ariani acerbè iratis negantibus, nedum in Athanasium recusavit ipse subscribere, quin Sancti Dionysii Martyris, qui deceptus ab ipsis subscripserat, captivam simplicitatem ingeniosissimè liberavit. Quamobrem illi graviter indignantes, post multas illatas injurias, exilio illum mulctarunt: sed sanctus vir, excuso pulvere, nec Caesaris minas veritus, nec enses obstrictos, exilium veluti sui ministerii officium accepit, missusque Scytho-

thopolim, famem, sitim, verbera, diversa que supplicia perpeffus, pro fide strenuè vitam contempfit, mortem non metuit, corpus carnificibus tradidit  
 ¶. Desiderium, &c.

*Lectio vi.*

**Q**uanta in eum tunc Ariano- rum crudelitas fuerit, ac effrons invere- cundia, ostendunt graves litteræ plenæ roboris, pietatis, ac religionis, quas è Scythopoli scripsit ad Vercellensem Cle- rum, & populum, aliosque finitimos, è quibus etiam est ex- ploratum, ipforum nec minis, inhumanâ- que savitiâ potuisse unquam eum deter- reri, nec serpentina blanda subtilitate ad eorum societate per- duci. Hinc in Cappa- dociam, postremo-

que ad superiore Ægypti Thebaida præ constantia sua deportatus, exilii ri- gores tulit ad mortem usque Constantii: post quem ad gregem suum reverti permis- sus, non prius redire voluit, quam reparan- dis fidei jacturis ad Alexandrinam Syno- dum sese conferret, postque, Medici præ- stantis instar, perâ- grans Orientis Provin- cias, in fide infirmos ad integram valetudi- nem restitueret, eos instituens in Ecclesiæ doctrina. Inde salubri- tate pari digresso in Illyricum, tandemque Italiam delato, ad ejus reditum lugubres ves- tes Italia mutavit, ubi postquam Psalmorum omnium expurgatos à se, commentarios Originis edidit, Euse- biique Casariensis, quos verterat de Græ- co in Latinum. De- mum

mum tot egregiè factis illustris, ad immarcescibilem gloriae coronam tantis ærumnis promeritam, sub Valentiniano, & Valente, Vercellis migravit.

In tertio Nocturno Homilia S. Gregorii Pap. in

*Evang.* Si quis vult post me venire, ut in *Communi unius Mart. secundo loco & ult. Domine prævenisti.*

*Missæ Sacerdotes Dei, ut in eodem Com. secundo loco, & sit Commemoratio Feriæ.*

## URBIS, ET ORBIS.

**S**anctissimus D. N. BENEDICTUS XIII. ad humillimas preces Episcopi, Capituli Civium Civitatis Vercellensis benignè indulgit, atque concessit, Officium S. Eusebii Episcopi Vercellensis, & Martyris, cum Lectionib. II. Noct. propriis ab Emo. & Rmo. D. Card. Pipia diligenter revisis, atque correctis, die xvi. Decembris ab omnibus utriusque sexus Christi fidelibus, qui ad horas Canonicas tenentur, sub ritu semiduplici recitari, & Missa respectivè celebrari debeat, & ita in Breviario, & Missali Romano apponi mandavit. Die 7. Julii 1728.

N. Card. Cossia.

Loco ✕ sigilli.

N. M. Archiepiscop. Apamen.  
Sac. Rit. Congr. Secret.